



Consul General di Merca, Sra. Valerie Belon

A HONRA JEANETTE RICHARDSON BAARS PA SU TRABAO CONTRA DI TRAFICACION DI HENDE



TABATA diahuebs ultimo, cu Consul General di Merca, Sra. Valerie Belon a organisa un recepcion na Aruba Surfside Marina, pa honra e TIP Hero, Sra. Jeanette Richardson Baars, kende a gana e reconocimiento aki, pa su trabao inmenso contra di traficacion di hende. A probecha di e ocasion aki tambe pa honra yiu di e hurista na Ministerio di Husticia, Sra. Caroline van Tuyn-Meau, kende a fayece e aña aki di e temible malesa cancer. E tabata forma parti di e Task-Force cu Jeanette

Richardson Baars a encabesa. E yiu muhe a ricibi un placa di reconocimiento p'e trabao inmenso cu su mama a haci. E ocasion aki tambe tabata pa conmemora 150 aniversario di e proclamacion di emancipacion na Merca, cu a pone un fin nan sclavitud. E tabata un atardi ameno, unda nos por a mira e.o. Director di Relacion Exterior, drs. Andy Lee y su personal y tambe Alto Comisario Dolfi Richardson y varios di su key-personnan den combatimento di criminalidad.